

65-01BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
OPĆINSKI SUD U SARAJEVU  
Broj: 65 0 L 1109920 24 L  
Sarajevo, 7. 4.2025. godine.

Općinski sud u Sarajevu, likvidacioni sudija Sellma Ćemalović, u likvidacionom postupku nad pravnim licem „ASIM GAZZAZ“ Društvo sa ograničenom odgovornošću, Ilidža, van ročišta dana 7.4.2025. godine, donio je slijedeće

### RJEŠENJE

1. Provest će se likvidacioni postupak nad pravnim licem „ASIM GAZZAZ“ Društvo sa ograničenom odgovornošću, ul. Bosanskih gazija broj 10, Ilidža.
2. Za likvidatora se imenuje Besim Hamidović, Ilidža.
3. Likvidator je dužan likvidacionom sudiji predočiti popis imovine i popis obaveza pravnog lica.
4. Pozivaju se povjerioci da u roku od 30 dana od dana objavljivanja oglasa na oglasnoj tabli suda i u "Službenim novinama Federacije BiH" prijave svoja potraživanja ovom sudu. Ukoliko niko od povjerilaca ne prijavi potraživanje, likvidacioni postupak će se zaključiti.
5. Rješenje se ima dostaviti Općinskom sudu u Sarajevu - Odjeljenju za registar, evidentirano u matični registarski broj subjekta upisa 65-01-0678-23 radi upisa zabilježbe pokretanja likvidacionog postupka.
6. Rješenje o pokretanju likvidacionog postupka objaviće se na oglasnoj tabli suda i u "Službenim novinama Federacije BiH".
7. Troškovi likvidacionog postupka padaju na teret osnivača.
8. Likvidator će u ponedjeljak 30.6.2025. godine u 9,00 kod ovog suda u sobi broj 227/II dati izjavi u smislu člana 7. Zakona o likvidacionom postupku i položiti račun o svojim radnjama, te predati sudu pisane potvrde na provjeru u smislu člana 13 Zakona o likvidacionom postupku.

### Obrazloženje

Prijedlog za pokretanje likvidacionog postupka podnio je punomoćnik osnivača pravnog lica „ASIM GAZZAZ“ Društvo sa ograničenom odgovornošću dana 29.8.2024. godine. Uz prijedlog priložena je sljedeća dokumentacija: Aktuelni izvod iz sudskog Registra broj: 065-0-RegZ-24-

011617 od 17.9.2024. godine, Odluka o prestanku rada društva od 19.8.2024. godine, Uvjerenje Porezne uprave FBiH o izmirenim obavezama broj: 13-9/5-12-5-5860-1/24 DH od 2.12.2024. godine, Bilans stanja na dan 19.8.2024. godine, Bilans uspjeha za period od 1.1.2024. godine do 19.8.2024. godine, Potvrda Bosna Bank International d.d. od 18.9.2024. godine i Uvjerenje Uprave za indirektno BiH broj: 04/5-1/II-17-1-43-4295/24 od 22.8.2024. godine.

Prilikom donošenja odluke o imenovanju likvidatora Sud je cijenio činjenicu da se radi o osobi koja se nalazi na listi stečajnih upravnika, te da ima odgovarajuće znanje i iskustvo koje je potrebno za obavljanje poslova likvidatora. Ovo naročito ako se ima u vidu da osnivač pravnog lica, ujedno i zakonski zastupnik, ima prebivalište van granica Bosne i Hercegovine, zbog čega isti nije mogao biti postavljen za likvidatora kako je to propisano odredbom člana 6. Zakona o likvidacionom postupku („Službene novine FBiH“, broj: 29/03).

Imajući u vidu navedeno, potrebno je, prema odredbama člana 72. u vezi sa članom 75. Zakona o privrednim društvima FBiH („Službene novine FBiH“, broj: 81/15 i 75/21), provesti likvidacioni postupak, pa je Sud iz tog razloga, a na osnovu navedenog zakonskog propisa, odlučio kao u izreci rješenja.

LIKVIDACIONI SUDIJA  
Sellma Ćemalović

POUKA: Protiv ovog rješenja može se izjaviti žalba Kantonalnom sudu u Sarajevu u roku od 8 dana, po proteku 5 dana od objave rješenja u Službenim novinama FBiH (član 25., a u vezi sa članom 23. ZS).